


2294
8002

110

孝子金公行狀

SPRUELL
LIBRARY
UNIVERSITY OF
CALIFORNIA



DHEU

孝子金公行狀

公諱膺渭字文遇姓金氏籍三陟三陟之金系出新
羅至敬順王有第八子諱鍾封一善君生子諱渭
翁以三韓壁上功臣上柱國左丞相始錫采為悉直
郡王即今之三陟府也屢歷至都統使大將軍諱正
暉戶部尚書諱偕忠佐衛護軍諱夏殷連世撫顯高
祖諱萬傑曾祖諱道寬祖諱相達孝行純至為宗黨
補式考諱仁奎御家勤儉訓子孝悌妣南陽洪氏禹

基女幽閒端莊孝舅姑敬君子壹儀咸備以 純廟
辛巳正月六日舉公幼有異質便知愛敬之節父母
有命必跪而受之出遇時新之物則歸而輒獻不先
八口也稍長以家貧親老不就塾師餘力服習頗識
經史而不能專業功令左右親側志物俱養每誦孝
經身體髮膚不敢毀傷之言跼步一未輕舉每辛丑
母夫人疾草調膏藥餌至夕齋沐禱天求以身代而
竟遭憂啼呼哭泣如孺子狀而恐傷父志怡顏節哀

不得伸其情甲辰父遘病蒼黃求藥有二生角鵲飛
落於前取以用膏得少差而尚未復自頭陀念名山
也庶有靈藥可以療親疾戴笠遍叢將徃求之即臘
月望日也冒按風雪躋攀石棧須到上頭則有一屋
子巋然此指祖禪菴菴無緇徒惟有卓上金佛向人
若欣然日又曛黑因憩于堂夢一老人來語曰寒山
空菴冒雪來訪其志將何求起而拜之曰為親禱藥
枉到于此老人曰汝之誠意可尚矣汝之親癢不可

以醫藥所瘳汝大父墳山不利體魄不寧以致此祟
斯速遷移乃指示東偏一山曰此雪雲谷花田峙即
吉地慎勿忘也荒忙覺悟言猶在耳地宛在目即其
墓出其屍則水火虫虺纏骨及體痛哭之際忽有野
鶴自下逡巡不去因感而箴膏喫洗去其難去之惡
廬終為安居其祖體魄得寧其父疾病得差聞者皆
以為孝感所致也公辦若干錢付之本菴而為山靈
築盛之供實非求福蓋以報疇昔之神惠矣丁未遭

艱廬喪三載哀毀踰禮制闋兀兀然如窮人之無所
歸既而慨然歎曰吾為人子無似今既無及矣遂絕
意外慕有依挾之計僦屋於孝街值勝日携良朋逍
遙於智陽山水而卒寔癸酉十月八日享年五十三
初葬于達芳山後二十五年丁酉遷窆于料科洞枕
乾原從先兆也公性沈重寬厚視其顏退然若不勝
衣從之語溫溫如恐傷人奉先尤誠祀事不以遠眈
而為豐約恒抱蓼莪之痛哭諱如袒裼王考所表尚

闕拮据剗剗以成之與弟膺涇友愛篤至後求析居
分財甚厚而產業不振數至易土公輒以已錢還退
而賑給少不介於意人皆難之同堂二三家貧者皆
依公而食或死而無嗣者立人而成家孤而過婚者
擇族而成禮至為之營其家事俾有以遂其生焉待
宗戚接賓友若無踈遠而見不是處則雖不容貸亦
無顯斥鄉里以是畏服知府沈公東瑾聞公之孝請
邀而饋其酒肉又以書賀之略曰吁亦異哉金斯文

之孝也生鴈野鶴之感應匹休於孟之荀王之鯉又
曰斯人也真忠信之士有此行也固其宜矣鄉黨雖
稱其善朝廷不聞其名寧不惜哉此皆公之大畧
也公沒後壬午士林舉公實行上啓于朝命旌
其閭曰孝子門公有三配江陵崔氏好赫女不育江
陵金氏載心女生一女適南陽洪在德江陵金氏演
集女生二男三女男長興澤次興潤出為叔父后女
適南陽洪吉慶洪在洛江陵崔相義曰球鎬崔燉相

洪達杓金龍卿長房子若婿也曰秀鎬麟鎬金洛振
金益卿過房子若婿也曰鍾文鍾武洪婿出也曰在
煜洪婿出也曰鍾益鍾福鍾泰鍾鼎鍾極洪婿出也
曰泰熙崔婿系子也嗚呼自世教衰民不興行昧其
天賦之性而能忘其親者滔滔是也惟公則盡其誠
克其孝屢有感物之異可以扶天經而樹風聲者也
府伯之推翺朝家之褒典詎不宜哉余亦連世接
聞雅服其行治而常恨生晚未克覲德公之男興澤

將請銘於立言者謂公懷德之文曾有小石金公源
國所叙而以總論之類欠簡畧俾余更撰余非其人
也微言拙筆不能闡揚幽德而辭固不獲與同志金
演善并據本狀且考舊聞之一二畧加彙括如右使
以謁於當世之君子云爾時玄默閣茂重陽上浣唐
城洪政鉉謹狀

卷之五

一、論學之要
二、論學之要

三、論學之要
四、論學之要

五、論學之要
六、論學之要

七、論學之要
八、論學之要

九、論學之要
十、論學之要



